

<p>Kiisky ii Ma'luumaadky Sarkaalky:</p> <p>Kiis Lambarky: _____</p> <p>Maghaaghy Sarkaalky: _____</p> <p>Waahthy: _____</p> <p>_____, Vermont _____</p> <p>802-_____-_____</p> <p>Hafiisky Abukaatigy Gobolky - Degmathy: _____</p> <p>_____, Vermont _____</p> <p>802-_____-_____</p>	<p>*Ma'luumaadky Tuhmanaagy:</p> <p>Maghaaghy Eethaysanaagy: _____</p> <p>Wal hiri: _____Haa _____Maya</p> <p>Waybaa lahaky dhii doonee amarky mahkamady:</p> <p>_____Haa _____Maya</p> <p>Taariigthy Da'waddy: _____</p> <p>Ma'luumaadky ly diithy ing ly biyo sababty ety: _____</p> <p>_____</p> <p>*Dhameestir BES haddii etty dembiily langwiing eh amy dembigy "Liisky ky qoreng"- 33 VSA 5204(a)</p>
--	---

**HAQUUQTHY ATHY LETTY MARKY ETTY DHIBENAAGY
DEMBIGY EE KY NOOLYI VERMONT**

Dhibbeny dembiily ahaang, amy ahaathowky hubingty reerky dhibeneegy, may dareemy kortee wareer, kaalmy la'aang, dhirif, amy hittaa obsy. Waybaa jiraanaa atheegyaal ii kaalmiyaal bilaash eh oo likii kaalmeeyow. Dad bathang ye ky shaqeeyaayaang nithaamkung haanaas oo daneeyaayaang oo ku gohongty inii ky kaalmeeyaang. **Haquuqthy Athy letty, marky athy etty dhibeny dembiily!**

Haqy Doorashithy

- Waybaa doorathy kortee sithy athy ingku ghibghaathathaasy haddii kiisky hor ing dareery.
- Miky khasbiniithi inii athy ku jawaabty wal su'aal eh qof kasty oo ku bahsangyi qolky mahkamaddy amy meely dhaarty. Fidhigy dhaarty waybuwaa nithaam rasmy eh meelaas oo athy ky biyaasy marag fur duubeng oo athy ky dhaarathaasy.

Haqy Ing Doothowky

Haddii eethaysanaagy ly hukumy, waybaa liky sii doony Abukaaty ing Doothow Dhibiniyaalky Dambigy oo ku so'othy hafiisky Abukaatigy Gobolky. Abukaatigy waybaa ky siiye koree kaalmy ii ma'luumaad waany ky kaalmeeye kory:

- Fahang Haqaa
- Dhameestir warqathoogy;
- Odsooy kaalmathy dhaqaaly oo lingky talagaly khasaarathy la hariirty dembigy;
- La hariir shar'iy fulingty ii abukaatiyaalky; oo
- Ky ogaysiye da'waddy mahkamaddy.

Abukaatigaa iyaa meely diyaar kiingky eh! Kuly hariir walaagii su'aal eh amy sheegashy eh oo athy qobty.

Haqy Badbaathiyowky

Haddii athy qobty sheegashy ky saabsang badbaathathaa, ingweer hay'addy shar'iy hergelingty marky hory. Ku ba'addy ingweer Abukaatigaa Dhibeneegy. **Yo ky kaalmeeye koraang!**

Haqy Ing liky dhegeengsathy

Way hag ing lettaa ing liky dhegeengsathy ingty mahkamaddy so'otty haddii athy dooraty. Tang waybaa ku mid ahaa ing athy fikirkaa la wathaagdy Abukaatigaa Dhibineegy, qorowky Bayaangky Saamayngty Dhibineegy, ii ku hathalowky hukungky mahkamaddy.

Haqy helowky Kaalmathy Dhaghaalagy

Barnaamijky Magdhowky Dhibineegy waybaa siyeey dhibiniyaalky dembigy kaalmathy dhaghaalagy oo yar. Khasaarathy dhaqaalagy maybaa khasab ahaa ing sy toos eh sababi dembigy oo ing biyahaayny il dhaqaaly kaly, sithy aymisky. Waybaa hely kortee qarashky markhaatathy ii masaafaddy haddii athy lahakiingky weery markhaaty ahaang amy likii amary inii athy ku ghibgally dhegeengsathowky mahkamaddy. Walaagii ma'luumaad dheeraad eh, la hariir Harungty Vermont ee lingky talagaly Dhibiniyaalky Dembigy websaydkung kula hariir amy lamabrkung 800-750-1253.

Waybaa hag ing lettaa inii athy odsatty magdhow! Mahkamaddy waybaa amary kortee ing lahakiing guthy khasaarathy aymisky ing lahayny taas oo qiib ku eh hukungky eethaysanaagy. Eed ye muhiim ing etty inii athy keedsatty dhammaang risiithoogy. Abukaatigaa dhibineegy ye koo kaalmeeye kory sheegashathaa, amy waybaa ingweery kortee Qiipty Magdhowky (802) 241-4688.

Haqy Ma'luumaadky ii Ogaysiisky

Haddii eethaysanaagy ly hukumy, waybaa hag ing lettaa ing liky ogaaysiyo marky kiisky hor ing so'othaw-hittaa haddii kiisky la halliyi. Waybaa lettaa haquuq kaly oo bathang. Haqy athy letty waybaa ky hiringnyaa no'gy dembigy athy likii hukumy. Warsooy Abukaatigaa Dhibineegy wal ky saabsang haqy athy ing letty ma'luumaadky ii ogaysiisky sy athy ing ogaaty walaa athy rajeeyaasy. Abukaatigaa waybaa kii kaalmeeye koree inii athy fahangty jidky kiing furingyi.

Waybaa sithoo kaly hely kortee diiwaangky la hariiryi kiiskaa. La hariir waahthy shar'iy fulingty ee ky qoreng foomkung sy athy wal bathang ing ogaaty.

DHIBINIYAALKY RABSHATHY MININGKY II HADGUTHUBKY GALMATHY WAYBAA LEYIINAA HAQUUQ DHEERAAD EH.

Barnaamijky Shabakty Vermont waybaa kaalmeeyaasee dhibiniyaalky ii dadky ku badbaathy hadguthubyathy miningk ii galmathy. Kaalmathung waybaa ku mid ahaa: qadky kaalmathy qarsoothigy eh oo 24/7 so'othow, kaalmathy nithaamky shar'igy, ing doothowky aafimaadky ii aafimaadky shagsigy, ku kaalmeeyowky helowky miningky degdegy eh, ii ku kaalmeeyowky dalbathowky amarky badbaathiyowky. Atheeg dheeri eh ye diyaar kiing eh oo *bilaash eh* haddii athy etty dhibineegy hadguthub galmathy. Mal kiingku baahangyi inii athy ha sheegty demby. Kula hariir barnaamijky shabakathy deekaangky eh lambarky hoosy ky qorong.

Shabakathy Vermont oo Lidky ky eh Hadguthubky Gurigy ii Galmathy

Qadky Hadguthubky Galmathy oo 24-sa la hely kory: 1-800-228-7395

Qadky Hadguthubky Galmathy oo 24-sa la hely kory: 1-800-489-7273

Khadyaalky taleefoongky maybuwaa qarsoothy marky laku reeby mararky bershoo. Sy athy wal ingku ogaaty ku reebataangkung la hathal khadky taleefoongky amy abukaaty wal kasty oo ky saabsang abashathaa marky hory.

Barnaamijkey shabakathy deekaangky eh waybuwaa: _____

Walaagii ma'luumaad dheeraad eh oo ky saabsang barnaamijkaa Shabakathy kiing dhow ingty kuly dareer <https://www.vtnetwork.org/>

Foomkung way kaloo likuly so'othy koree ingty www.ccvv.vermont.gov oo way kaloo liky hely koree qaabab shal bedelang marky odsatty. Walaagii ma'luumaad dheeraad eh, la hariir Harungty Vermont ee lingky talagaly Dhibiniyaalky Dembigy websaydkung kula hariir amy lamabrkung 1-800-750-1213.